

(...)

grossoye

Testament de arnauld malbert

Au nom de dieu soyt saichent tous que ce()jo(u)rd()h(u)y
quatorziesme du moys de **no(vem)bre mil v^c quatre**
vingtz et unze en **villemur** apres midy au diocese de
mo(n)tauban et sen(echau)cee de th(ou)l(ous)e regnant tres()crestien prince
henry par la gr(ac)e de dieu roy de france et de navarre
en presances de moy not(aire) royal soubz(sig)ne et des tesmoings
bas noumes dans la maison du()testate(ur) soubz escript

168

estably en personne **arnauld malbert dict jacquotin**
travailhe(ur) de villemur lequel estant **dans son lict de la chambre**
haulte de devant la rue detenue d aulcune maladie corporelle
toutesfois par la gr(ac)e de dieu bien voyant oissant parlant
cognoissant et estant en ses bon(s) sens et parfaicte memoyre
considerant n()y avoir rien plus certain que la mort ny chose plus
incertaine que()l()heure d()icelle a ceste cause de son bon gre et()bonne
volunte a faict et()ordonne son testament noncupatif et()derniere
volunte en la forme et maniere suyvens en premier lieu
led(it) malbert a faict le()signe de la croix sur soy()disant in
nomine patris et()fily et()spiriti santi amen a recommande
son ame a dieu le create(ur) a()la benoiste vierge marie m(er)e
de jesus crist no(tr)e sauveur et a()to(u)s les benoistz saintz et()sainctes
de paradis et a volu que quant son ame sera separee de son
corps sond(it) corps soyt ensepvely au **cymitiere saint jehan**
hors les murs de villemur et que ses honneurs de()sepulture
novene luy soient faictz en ensuyvant la coustume observee
en no(tr)e mere sainte esgl(is)e catholique appostolicque
romaine aux despens de son bien et en tous et ch(c)uns ses
au(tr)es biens meubles immeubles presans et advenir noms
droictz voix et actions led(it) testate(ur) a faicte et instituee son
her(itier) g(e)ne(ral) et()universel et l()a noume de sa()[pro]pre bouche **pierre**
malbert son filz legitime et naturel et()**de roze amoraude**
sa()femme po(u)r en f(air)e a()ses plaisirs et volutes a la vye
et a la mort c(h)argeant **jehan malbert cordonier**
de villemur et()**jehan trilhes rodier de varenes ses cousins**
ensemble sad(ite) femme prendre la charge de la tutelle dud(it)
pierre malbert]fils[son filz et cas advenant
que sond(it) filz viendroit a deceder sans fruit de loyal
mariage et sans f(air)e testament il()veult et ordonne
que sesd(its) biens et heredite deviennent et a[par]tiennent
a()lad(ite) roze amoraude sad(ite) femme et ausd(its) jehan malbert

et jehan trilhes ses **cousins germains** pour en faire et disposer
a()leurs plaisirs et()voluntas a()les partir pour ch(c)un son tiers
ce dessus led(it) testate(ur) a dict et()declaire dict declare
voloir estre son testament noncupatif et()derniere volonte
cassans revocquant et annullant tous au(tr)es testamens
codicilles et donna(ti)ons si aulcuns ou]~~au~~teu[aulcunes il
en en avoit de faictz ou faictes par le passe excepte
le presant son testament qu()il veult sortir effaict
et()veult qu()il vailhe et()soyt valable par droict de
testament nocupatif et s()il ne()valoit ou pouvoit
valoir [par] droict de testament noncupatif veult qu()il
vailhe et soyt valable]~~e~~[[par] droict de codicille et
s()il ne valoit ou pouvoit valoir [par] droict de codicille
veult que vailhe et soyt valable [par] donn(ati)on faicte a()cause
de mort entre les vifz a()jamais irrevocable et
pat tout au(tr)e droict uz stil et costume qu()il
po(u)rra mieulx et plus valoir requerant et prians
les tesmoins bas escriptz par luy cogneuz et noumes
le(ur) en souvenir et d()en porter bon et()loyal tesmoiniage
de verite et a moy not(aire) luy en retenir acte et
instrum(ent) ce qu()ay faict en presances de **bernard guyraud**
hercules devic anth(oin)e silvestre anth(oin)e pages jehan
michi vieux travailleurs de villemur jehan pendaries
dict jehan petit des filholz bernard esquier del()terme
et()de moy jehan richard not(aire) royal dud(it) villemur requis
soubz(sig)ne led(it) testate(ur) et()tesmoings ne scavent signer

Richard, not(aire) r(oy)al